

四庫全書

集部

欽定四庫全書

唐百家詩選卷十一

宋 王安石 編

劉商九首

送劉南史往杭州拜覲別駕叔

兄弟漂零自長年見君睂白轉相憐
清揚似玉須勤學富貴由人不在天
萬里榛蕪迷舊國兩河烽火復相連
林中若使題書信但向漳濱訪客船

合溪送王永歸東郭

君去春山誰共遊
鳥啼花落水空流
如今送別臨溪水
他日相思來水頭

春日卧病書情

楚客經年病孤舟
人事稀晚晴江柳變春夢塞鴻歸
今日方知命前年自覺非
不能憂歲計無限故山薇

銅雀妓

魏主矜娥眉
美人美於玉
高臺無晝夜
歌舞竟未足
盛

色如轉圓夕陽落深谷仍令身歿後尚縱平生慾紅粉
橫淚痕調絃向空屋舉頭君不在唯見西陵木玉輦豈
再來嬌鬟為誰綠那堪秋風裏更舞陽春曲曲曲罷情不
勝闌干向西哭臺邊生野草來去胷羅縠況復陵寢間
雙雙見麋鹿

綠珠怨

從來上臺榭不敢倚闌干零落知成血高樓直下看

醉後口號

春草秋風老此身一瓢長醉任家貧
醒來還愛浮萍草
漂寄官河不屬人

秋夜聽嚴紳巴童唱竹枝歌

巴人遠從荆江客回首荆山楚雲隔
思歸夜唱竹枝歌
庭槐葉落秋風多曲中歷歷敘鄉思
鄉思綿綿楚詞古
身騎吳牛不畏虎手提蓑笠欺風雨
猿啼日暮江岸邊
綠林連山水連天來時十三今十五
一成新衣已再補
鴻雁南飛報隣伍在家懽樂辭家苦
天晴露白鐘漏遲

淚痕滿面看竹枝曲終寒竹風裊裊西方日落東方曉
柳條歌送客

露井夭桃春未到遲日猶寒柳開早高枝低枝飛鸝黃
千條萬條覆官牆幾回離別折欲盡一夜東風吹又長
毵毵拂人行不進依依送君無遠近青春去住隨柳條
却寄來人以為信

雜言同豆盧郎中郭南七里橋哀悼姚倉曹

橋邊足離別終日為悲辛登橋因歎逝却羨別離人橋

下東流水芳樹櫻桃藥流水與潮回花落明年開可憐
三語掾長作九泉灰宿昔懽遊在何處花前飲足求仙
去

羊士諤十七首

過三鄉望女兒山早歲有卜築之志

女兒山頭春雪消路傍仙杏發柔條心期欲去知何日
惆悵迴車上野橋

和都官李郎中經宮人斜

翡翠無窮掩夜泉猶疑一半作神仙
秋來還照長門月
珠露寒花是野田

郡中即事二首

紅衣落盡暗香殘
葉上秋光白露寒
越女含情已無限
莫教長袖倚闌干

登臨何事見瓊枝
白露黃花自遶籬
唯有樓中好山色
稻畦殘水入秋池

小園春至偶書呈吏部竇郎中孟員外

松篠雖苦節冰霜慘其間欣欣發佳色如喜東風還幽
抱想前躅冥鴻度南山春臺一以眺達士亦解顏偃息
非老圃沉吟闕玄關馳暉忽復失壯歲不得閒君子當
濟物丹梯難共攀心期自有約去掃蒼苔斑

登樂遊原寄司封孟郎中盧補闕

爽節時清眺秋懷悵獨過神臯值宿雨曲水已增波白
鳥陵風迴紅蕖濯露多伊川有歸思君子復如何

郡樓晴望

霽色朝雲盡亭臯露亦晞
塞開臨曲檻蕭瑟換輕衣
地遠秦人望天晴社燕飛
無功慙歲晚惟念故山歸

九月十日郡樓獨酌

掾史當授衣郡中稀物役
嘉辰悵已失殘菊誰為惜
櫺軒一樽泛天景洞虛碧
暮節獨賞心寒江鳴湍石
歸期北州里舊友東山客
飄蕩海雲深相思桂花白

梁國惠康公主挽歌詞二首

特詔令百官進詩
駙馬郎司空于公

之子

湯沐成塵跡山林遂寂寥鵲飛應織素鳳起獨吹簫玉
殿中叅罷雲駟上漢遙皇情悲不極空輟未央朝
授冊榮天使陳詩感聖恩河山啓梁國縞素及于門泉
向金卮咽霜來玉樹繁都人聽哀挽淚盡望寒原

林館避暑

池島清陰裏無人泛酒船山蛭金奏響花露水精圓靜
勝朝還暮幽觀白已玄家林正如此何事賦歸田

寒食宴城北山池即故郡守滎陽鄭綱自為折

柳亭

別館青山郭遊人折柳行落花經上已細雨帶清明鵲
鳩流芳暗鴛鴦曲水平歸心何處醉寶瑟有餘聲

夜聽琵琶

破撥聲繁恨已長低鬟斂黛更摧藏潺湲隴水聽難盡
併覺風沙繞杏梁

酬蕭使君出妓夜宴見送

玉顏紅燭忽驚春微步凌波拂暗塵自是當歌斂眉黛

不應惆悵為行人

西川獨孤侍御見寄七言四韻一來為郡翰墨
都捐逮此酬荅誠乖拙速

百雉層城上將壇列營西照雪峰寒文章立事須銘鼎
談笑論功恥據鞍草檄青油推健筆曳裾黃閣聳危冠
雙金未比三年字負弩空慙知者難

息舟荆溪入陽羨南山遊善權寺呈李功曹巨
結纜蘭渚曉柴車上連岡晏溫值初霽去遠山河長獻

歲冰雪盡細泉生路傍行披煙杉入激瀾橫石梁層閣
表精廬飛甍切雲翔冲襟得高步清眺極遠方潭嶂積
佳氣萑英多早芳具觀澤國秀重使春心傷念遵煩促
途榮利驚隙光勉君脫冠意共匿無何鄉

永寧里園亭休沐悵然成詠

雲景含初夏休歸曲陌深幽簾宜永日珍樹始清陰遲
客唯長簞忘言有匣琴晝披靈物態書見古人心芳草
多留步鮮飗自滿襟勞形非立事蕭灑去頭簪

長孫佐輔十三首

德宗時人弟公輔為吉州刺史佐輔往依焉

尋山家

獨訪山家歇還涉茅屋斜連隔松葉主人聞語未開門
繞籬野菜飛黃蝶

荅邊信

征人去年戍遼水夜得邊書字盈紙揮刀就燭裁紅綺
結作同心荅千里君寄邊書書莫絕妾荅同心心自結
同心再解心不離書字頻看字愁減結成一夜和淚封

貯書只在懷袖中莫如書字固難久願學同心長可同

山居雨霽即事

結茅蒼嶺下自與喧卑隔況值雷雨晴郊原轉岑寂出門看反照繞屋殘溜滴古路絕人行荒陂響螻蝻籬崩瓜豆蔓園壞牛羊跡斷續古祠鴉高低遠村笛喜聞東臯潤欲往未通屐杖策試危橋攀蘿瞰苔壁隣翁夜相訪緩酌聊跂石新月出汙罇浮雲在巾舄常隳腐儒操謬習經邦畫有待時未知非闕慕沮溺

擬古詠河邊枯樹

野火燒枝水洗根數圍枯樹半心存應是無機承雨露
却將春色寄苔痕

對鏡吟

憶昔逢君新納娉青銅鑄出千年鏡意憐光彩固無瑕
義比恩情永相映每將鑒面兼鑒心鑒來不輟情逾深
君非結心空結帶結處尚新恩已背開簾覽鏡悲難語
對面相看孟門阻掩匣徒慙雙鳳飛懸臺欲効孤鸞舞

粧成持照尚當時只畏愁多遽變衰
昔日照來人共許
今朝照罷自生疑
鏡上有塵猶可拂
君恩詎肯無迴時

南中客舍對雨送故人歸北

猿聲啾啾雁聲苦捲簾相對愁不語
幾年客吳君在楚
况送君歸我猶阻
家書作得不忍封
北風吹斷塔前雨

杭州秋日留別故友

相見又相別大江秋水深悲歡
一世事去住兩鄉心
浙
瀝籬下葉淒清
塔上琴獨隨孤棹
去何處更同衾

關山月

淒淒還切切戍客多離別何處最傷心關山見秋月關
月竟如何由來遠近過始經玄菟塞終繞白狼河忽憶
秦樓婦流光應共有已得並蛾眉還知攬纖手去歲照
同行比翼復連形今宵照獨立顧影自熒熒餘暉漸西
落夜夜看如昨借問映旌旗何如鑒帷幙拂曉朔風悲
蓬驚雁不飛幾時征戍罷還向月中歸

別友人

愁多不忍醒時別想極還尋靜處行誰遣同衾又分手
不如行路本無情

山行書事

日落風颭颭驅車行遠郊中心有所悲古墓穿黃茅茅
中孤兔窠四面烏鳶巢鬼火時獨出人烟不相交行行
近破村一徑欹還坳迎霜聽蟋蟀向月看蠅蛸翁喜客
來坐客來羞厨庖濁醪誇撥螳時果仍新苞相勸對寒
燈呼兒爇枯梢性朴頗近古其言無斗筭憂歡世上并

歲月途中拋誰知問津客空作揚雄嘲

古宮怨

窻前好樹名玫瑰去年花落今年開無情春色尚識返
君心忽斷何時來憶昔粧成候仙仗宮瑣玲瓏日新上
拊心却笑西子頻掩鼻誰憂鄭姬謗草染文章衣下履
花粘甲乙床前帳三千玉貌休自誇十二金釵獨相向
盛衰傾奪欲何如嬌愛翻悲逐佞諛重遠豈能慙沼鵠
弃前方見泣舩魚看籠不記薰龍腦詠扇空曾禿鼠鬚

始喜類蘿新託栢終傷如薺却甘荼院深獨開還獨閉
鸚鵡驚飛苔覆地滿箱舊賜前日夜漬枕新垂夜來淚
恨多開鏡照還悲綠髻青蛾尚未衰莫道新縑長絕比
猶逢故劍會相追

隴西行

陰雲凝朔氣隴上正飛雪四月草不生北風勁如切朝
來羽書急夜宿長城窟道隘行不前相呼抱鞍歇人寒
指欲墮馬凍蹄亦裂射雁旋充饑斧冰還止渴寧辭解

圍關但恐乘疲沒早晚邊堠空歸來養羸卒

代別後夢別

別中還夢別悲後更生悲覺夢俱千里追尋難再期翻
思夢裏苦却恨覺來遲縱是非真事何妨夢會時

李約三首

沂國公勉之子仕為
尚書兵部員外郎

觀祈雨

桑條無葉土生烟簫管迎龍水廟前朱門幾處看歌舞
猶恐春陰咽管絃

過華清宮

君王遊樂萬機輕一曲霓裳四海兵
玉輦升天人已盡
故宮猶有樹長生

城南訪裴氏昆季

相思起中夜夙駕訪柴荆
早霧桑柘隱曉光
溪澗明村蹊
蒿棘間往往斷新耕
貧野烟火微
晝無烏鳶聲
田頭逢餉人道君
南山行南山千萬峯
盡是相思情
野老無拜揖
村童多躲形
相呼看車馬
顏色喜相驚
荒圃雞豚

樂雨牆禾莠生欲君知我來壁上空書名

寶常二首

字仲行扶風平陵人左拾遺叔向之子與弟牟羣庠羣俱有名寶厯中為國子

祭酒致

仕卒

之任武陵寒食日途次松滋渡先寄劉員外

杏花榆莢曉風前雲際離離上峽船江轉數程淹驛騎
楚曾三戶少人烟看春又遇清明節筭老重經癸巳年
幸得柱山當郡舍在朝長詠卜居篇

北固晚眺

水國芒種後梅天風雨涼露蠶開晚簇江燕繞危檣山
趾北來固潮頭西去長年年此登眺人事幾銷亡

竇年一首

字貽周長慶中
為國子司業

秋夕閒居對雨贈別盧七侍御坦

燕燕辭巢蟬蛻枝窮居積雨壞藩籬夜長簷溜寒無寢
日晏厨烟濕未炊悟主一言那可學從軍五百竟徒為
故人駿馬朝天使洛下秋聲恐要知

竇羣一首

字丹列元和中自御史中丞出為黔中
觀察使貶開州刺史徙容管經畧使卒

黔中書事

萬事非京國，千山擁麗譙。
佩刀看日曬，賜馬傍江調。
言語多重譯，壺觴每獨謠。
沿流如著翅，不敢問歸橈。

竇庠一首

字胃卿為
婺州刺史

陪留守韓僕射廵內至上陽宮感興

愁雲漠漠草離離，太液鈎陳處處疑。
薄暮毀垣春雨裏，殘花猶發萬年枝。

竇鞏八首

字友封元稹為武昌軍節度使辟為
秘書少監兼御史中丞充節度副使

南遊感興

傷心欲問前朝事
惟見江流去不迴
日暮東風春草綠
鷓鴣飛上越王臺

寄南遊弟兄

書來未報幾時還
知在三湖五嶺間
獨立衡門秋水濶
寒鴉飛去日銜山

放魚

金錢贖得免刀痕
聞道禽魚亦感恩
好去長江千萬里

金匱要略卷十一
不須辛苦上龍門

官人斜

離宮路遠北原斜
生死恩深不到家
雲雨今歸何處去
黃鸝飛上野棠花

代隣叟

年來七十罷耕桑
就暖支羸強下床
滿眼兒孫身外事
閒梳白髮向殘陽

新營別墅寄兄

嬾性如今成野人行
藏由興不由人
莫驚此度歸來晚
買得西山正值春

自京師將赴黔南

風雨荊州二月天
問人初雇峽中船
西南一望雲和水
猶道黔南有四千

永寧小園與校書接近因寄

故里心期柰別何
手移芳樹憶庭柯
東臯黍熟君應醉
梨葉初紅白露多

唐百家詩選卷十一

欽定四庫全書

唐百家詩選卷十二

宋 王安石 編

楊巨源四十六首

送太和公主和蕃

北路古來難年光獨認寒朔雲侵鬢起邊月向眉殘蘆井尋沙到花門度磧看薰風一萬里來處是長安

春日奉獻聖壽無疆詞

代是文明晝春當燕喜時鑪烟漆柳重宮漏出花遲漢
典方寬律周官正採詩碧霄傳鳳吹紅旭在龍旗造化
膺神契陽和沃聖慈無因隨百獸率舞奏丹墀

贈鄰家老將

白首羽林郎丁年戍朔方陰天瞻磧路秋日渡遼陽大
漠寒山黑孤城夜月黃十年依蓐食萬里帶金瘡拂雪
陳師祭衝風立教場箭飛瓊羽合旗動火雲張虎翼分
營勢魚鱗擁陳行誓心清塞色鬪血雜沙光戰地晴暉

薄軍門曉氣長寇深爭暗襲闕迴勒春防身賤竟何訴
天高徒自傷功成封寵將力盡到貧鄉雀老方悲海鷹
衰却念霜空餘孤劍在開匣一霜裳

和練師索秀才楊柳

水邊楊柳綠烟絲立馬煩君折一枝惟有春風最相惜
殷勤更向手中吹

大堤詞

二八嬋娟大堤女開壚相對依江渚待客登樓向水看

邀郎卷幔臨花語
細雨濛濛濕菱荷
巴東商侶住帆多
自傳芳酒翻紅袖
誰調妍妝回翠蛾
珍簟華燈夕陽後
當壚理瑟矜纖手
月落星微五鼓聲
春風搖蕩窓前柳
歲歲逢迎沙岸間
背人多整綠雲鬟
無端嫁與五陵少
離別烟波傷玉顏

聖恩洗雪鎮州寄獻裴相公

天借春光洗綠林
戰塵收盡見花陰
好生本是君王德
忍死何妨壯士心
曾賀截雲翻柵遠
仍聞斲凍下營深

井陘昨日雙旗入蕭相無言淚濕襟

上劉侍中

命代生申甫承家翊禹湯廟謨膺間氣師律動清霜鍾
鼎勲庸大河山誠誓長英姿凌虎視逸步壓龍驤道協
陶鈞力恩回日月光一言弘社稷九命備珪璋政治軍
逾肅仁敷物已康朱門重榮戟丹詔半縑緗位總興龍
野師臨涿鹿鄉射鵬天更碧吹角塞仍黃深入平夷落
橫行闢漢疆功垂貞石遠名映色絲香度磧瞻貌武臨

池識鳳凰舞腰凝綺榭歌響拂雕梁杯淨傳鸚鵡裘鮮
照鸛鸛吟詩白羽扇校獵綠沉槍風景佳人地烟沙壯
士場幕中邀謝監麾下得周郎珠影含空徹瓊枝映坐
芳王渾知武子陳寔獎元方富貴春無限歡娛夜未央
管絃隨玉帳樽俎奉金章俗理寧因勸邊城詎假防軍
容雄朔漠公望冠巖廊分野隣孤島京坻溢萬箱曙華
分碣石秋色入漁陽城遠迷玄菟川明辨白狼忠賢多
感激今古共蒼茫堤擁紅蕖艷橋分翠柳行軒車紛自

至亭館鬱相當珍簾回煩暑層軒引早涼聽琴知思靜
說劍覺神揚佳景燕臺上清暉鄭驛傍鼓鍾喧北里珪
玉映東牀敢銜由之瑟甘循賜也牆官微思假路戰勝
望升堂欲奮三年翼頻回一夕腸消憂期酒聖乘興任
詩狂海內分桃李天涯剪稻梁升沉門下客誰道在蒼
蒼

郊居秋日酬吳贊府見寄

繁菊照深居芳香春不如聞尋周處士知伴庾尚書日

晚汀洲曠天晴草木疎閒言揮麈柄清步掩蝸廬野老
能親牧高人念遠漁幽叢臨古岸輕葉度寒渠暮色無
狂蝶秋華有嫩蔬若為酬郢曲從此愧璠璣

上裴中丞

六年西掖宏湯誥三捷東堂總漢科政引風霜成物色
語回天地到陽和清威更助朝端重聖澤曾隨筆下多
應笑白鬚揚執戟可憐春日老如何

送裴中丞出使

一清淮甸假朝綱金印初迎細柳黃辭闕天威和雨露
出關春色避風霜龍韜何必陳三畧虎旅由來肅萬方
宣諭生靈真重任回軒應問石渠郎

酬崔駙馬惠牋紙百張兼貽四韻

百張雲樣亂花開七字文頭艷錦回浮碧定從天上得
殷紅應自日邊來捧持價重欺雲葉封裏香深笑海苔
滿篋清光應照眼欲題凡韻輒徘徊

送司徒童子

衛多君子魯多儒七歲聞天笑舞雩光彩春風初轉蕙
性靈秋水不藏珠兩經在口知名小百拜垂髫稟氣殊
況復元侯旌爾善桂林枝上得鷄鵲

元日含元殿下立仗丹鳳樓下宣赦上門下相
公二首

天垂台耀拂欒槍壽獻山青祝聖明丹鳳闕前歌九奏
金雞竿上鼓千聲衣裳南面薰香動文字東方喜氣生
從此登封資廟略兩河連海一時清

臨軒啓扇似雲收率土朝天劇水流瑞色含春當正殿
香烟捧日在高樓三朝起草迎恩澤萬歲長聲繞冕旒
請問漢家功第一麒麟閣上識鄼侯

賀田僕射子弟榮拜金吾

五侯恩澤不同年叔姪朱門襮稍連鳳沼九重相喜氣
鴈行一半入祥烟街衢燭影侵寒月文武珂聲疊曉天
為數麒麟高閣上誰家父子勒燕然

觀打毬

親掃毬場如砥平
龍驤驟馬曉光晴
入門百拜瞻雄勢
動地三軍唱好聲
玉勒回時霑赤汗
花驄分處拂紅纓
欲令四海氛烟淨
杖底纖塵不敢生

送人過衛州

憶昔征南府內遊
君家東閣最淹留
縱橫聯句長侵曉
次第看花直到秋
論舊舉杯先下淚
傷離臨水更登樓
相思前路幾回首
滿眼青山過衛州

贈李傅

知因公望掩能文
誓激明誠在致君
曾罷雙旌瞻白日
猶將一劍許黃雲
搖窓竹色留僧語
入院松聲共鶴聞
莫被此心生晚計
鎮南人憶杜將軍

送絳州盧使君

應將清靜結心期
又共陽和到郡時
絳老問年須筭字
庾公逢月要題詩
朱欄迢遞因高勝
粉蝶清明欲下遲
他日徵還作霖雨
不須求賽敬亭祠

和裴舍人觀田尚書出獵

聖代司空比玉清雄藩觀獵見皇情雲禽已覺高無益
霜兔應知狡不成飛鞚擁塵寒草盡彎弓開月朔風生
今朝始賀將軍貴紫禁詩人看旆旌

送李舍人歸蘭陵里

清詞舉世皆藏篋美酒當山為滿罇三畝嫩蔬臨綺陌
四行高樹擁朱門家貧境勝心無累名重官閒口不論
惟有道情常自足啓期天地易知恩

和人與人分惠賜米

天水藏來玉墮空先頒密署幾人同映盤皎潔非闕露
當扇清涼不在風瑩質方從綸閣內凝輝更借錦帷中
麗詞珍貺難雙有迢遞金鑾殿角東

寄中書同年舍人

清明紫閣最高峰仙掖開簾范彥龍五色天書詞煥爛
九華春殿語從容綵毫應染鑪烟細清佩仍含玉漏重
二十年前同日喜碧霄何路得相逢

早春即事呈劉員外

明朝晴暖即相隨肯信春光被雨欺且任文書堆案上
免令杯酒負花時馬蹄經歷應須遍鶯語丁寧已怪遲
更待雜芳成豔錦鄴中爭唱仲宣詩

酬于駙馬二首

綺陌塵香曙色分碧山如畫又逢君蛟藏秋月一片水
驥鎖晴空千尺雲戚里舊知何駙馬詩家今得鮑參軍
陽和本是煙霄曲須向花間次第聞

芳時碧落心應斷今日清詞事不同瑤草秋殘仙圃在

綵雲天遠鳳樓空
晴花曾送金羈影
涼葉還生玉簾風
長得聞詩懽自足
會看春露濕蘭叢

和侯大夫秋原觀征人回

兩河罷戰萬方清
原上軍回識舊營
立馬望雲秋塞淨
射鵬臨水晚天晴
戍閒部伍分歧路
地遠家鄉寄旆旌
聖代止戈資廟畧
諸侯不復更長征

同太常尉遲博士闕下待漏

沉沉延閣抱丹墀
松色苔花顥露滋
爽氣曉來青玉甃

薰風宿在翠花旗方瞻御陌三條廣猶覺仙門一刻遲
此地含香從白首馮唐何事怨明時

見薛侍御戴不損裏帽子因贈

潘郎對青鏡烏帽似新裁曉露鴉初洗春荷葉半開堪
將護中櫺不獨隔塵埃已見籠蟬翼無因映鹿胎何人
呈巧思好手自西來有意憐衰醜煩君致一枚

寄昭應王丞

武皇金輅輾香塵每歲朝元及此辰光動泉心初浴日

氣蒸山腹總成春謳歌已入雲韶曲詞賦方歸侍從臣
瑞靄朝朝猶望幸天教赤縣有詩人

將歸東都別令狐舍人

綠楊紅杏滿城春一騎悠悠萬井塵岐路未關今日事
風光欲醉長年人閒過綺陌尋高寺強到朱門謁近臣
多病晚來還有策洛陽山色舊相親

寄江州白司馬

江州司馬平安否惠遠東林住得無湓浦曾聞似衣帶

廬峰見說勝香爐題詩歲晏離鴻斷望闕天遙病鶴孤
莫謾勾牽雨花社青雲依舊是前途

薛司空自青州歸朝

天眷君陳久在東歸朝人看大司空黃河岸畔長無事
滄海東邊獨有功已變畏途成雅俗仍過舊里揖清風
一門累葉凌烟閣次第儀形漢上公

送章孝標校書歸杭州因寄白舍人

曾過靈隱江邊寺獨宿東樓看海門潮色銀河鋪碧落

日光金柱出紅盆不妨公事資高卧無限詩情要細論
若訪郡人徐孺子應須騎馬到沙村

述舊紀勲寄太原李侍中光顏二首

玉塞含悽見雁行北垣新詔拜龍驤弟兄間世真飛將
貌虎歸時似故鄉鼓角因風飄朔氣旌旗映水發秋光
河源收地心猶壯笑向天西萬里霜

倚天長劍截雲孤報國縱橫見丈夫五載登壇真宰相
六重分閭正司徒曾聞轉戰平堅寇共說題詩壓腐儒

料敵知機在方寸不勞心力講陰符

胡二十拜戶部兼判度支

清機果被公材撓雄拜知承聖主恩廟略已調天府實
國征方覺地官尊徒言玉節將分閫定是沙隄欲到門
為愛山前新卜第不妨風月事琴樽

酬裴舍人見寄

誰道重遷是舊班自將霄漢比鄉關二妃樓下宜臨水
五老祠西好看山再葺吾廬心已足每來公府跡常閒

詩陪丞相逾三紀石筍煙霞不共攀

早朝

鐘傳清禁纔應徹漏報仙闈儼已開
雙闕薄烟籠菡萏九城初日照蓬萊
朝時但向丹墀拜仗下方從碧落回
聖代逍遙更何事願將巴曲贊康哉

元日呈元逢吉舍人

華夷文物賀新年霜仗遙排鳳闕前
一片綵霞迎曙日萬條紅燭動春天
稱觴山色和元氣端冕爐香疊瑞烟

共說正初當聖澤試過西掖問羣賢

酬盧員外

話舊感往年相國河東張公宏靖常臨北府忝寮屬之末君有鄉里之親

有作

謝傳旌旄控上游盧郎鐫俎借前籌
舜城風土臨清廟魏國山川在白樓
雲寺當時接高步水亭今日又同遊
滿筵舊府笙歌在獨有羊曇最淚流

述美寄申州盧拱使君

領郡仍聞倅虎貌致身還是見男兒
小船隔水催桃葉

大鼓當風舞柘枝
酒座微酣諸客倒
毬場慢撥幾人隨
從來樂事憎詩苦
莫被窓中遠岫知

贈張將軍

關西諸將揖容光
獨立營門劍有霜
知愛魯連歸海上
肯令王翦在頻陽
天晴紅幟當山滿
日暮清笳入塞長
年少功高人最美
漢家壇樹月蒼蒼

酬崔博士

自知頑叟更何能
唯學雕蟲謬見稱
長被有情邀唱和

近來無力更祇承青松樹杪千年鶴白玉壺中一片冰
今日為君書壁右孤貞莫怕世人憎

古意贈王常侍

繡戶紗窻北里深香風暗動鳳凰簪組紉長在佳人手
刀尺空搖寒女心欲學齊謳逐雲管還思楚練拂霜砧
東家少婦當機織應念無衣雪滿林

和杜中丞西禪院看花

一林堆錦映千燈照眼牽情欲不勝知倚晴明嬌自足

解將顏色醉相仍好風輕引香烟入甘露纔和粉艷凝
深處最憐鶯蹂踐嫩時先被蝶侵凌對持真境應無取
分付空門又未能迎日似翻紅燒斷臨流疑映綺霞層
幽含晚態憐丹桂盛續春光識紫藤每到花枝獨惆悵
山東惟有杜中丞

王建上二十四首

太和中為
陝州司馬

送人

白日向西沒黃河復東流人生足著地寧免四方遊我

行無返顧祝子勿回頭當須向前去何用起離憂但恐
無廣路平地作山丘令我車與馬欲疾反停留蜀客多
積貨邊人競封侯男兒戀家鄉懽樂為仇讐丁寧相勸
勉苦口幸無尤對面無相成不如豺虎儔彼遠不寄書
此寒莫寄裘與君俱絕跡兩念無因由

將歸故山留別杜侍御

有川不得涉有路不得行沉沉百憂中一日如一生錯
來干諸侯石田廢春耕虎戟衛重門何因達中誠日月

俱照耀山川異陰晴如何百里間開目不見明我今歸
故山誓與草木并願君去丘坂長使道路平

上七泉寺上方

長年好名山本性今得從回看塵土遙稍見麋鹿蹤老
僧雲中居石門青重重陰泉養成龜古壁飛却龍掃石
禮新經懸幡上高峰日夕猿鳥合覓食聽山鍾將火尋
遶泉煮葑傍寒松晚隨采藥人便宿南澗中晨起衝露
行濕花枝茸茸歸依向禪師願作香火翁

溫門山

早入溫門山羣峰亂如戟崩崖欲相觸呀豁斷行跡脫履尋淺流定足畏欹石路盡十里溪地多千歲栢洞門晝陰黑深處惟石壁似見丹沙光亦聞鍾乳滴靈池出山底沸水衝地脉暖氣成濕烟濛濛窓中白隨僧入古寺便是雲外客月出天氣涼夜鍾山寂寂

酬栢侍御聞與韋處士同遊靈臺寺見寄

西域傳中說靈臺屬雍州有泉皆聖跡有石皆佛頭所

出蒼筤香外國俗來求毒蛇護其下樵者不可偷古碑
在雲顛備載置寺由魏家移下來後人始增修近與韋
處士愛此山之幽各自具所須竹籠盛茶甌牽馬過危
棧襍衣涉奔流草開平路盡林下大石稠回廊轉經峰
忽見東西樓瀑布當寺門迸落衣裳秋石苔鋪紫花溪
葉栽綠油松根載殿高飄飄仙山浮縣中賢大夫一月
前此遊賽神荷得雨豈暇多停留二十韻新詩遠寄尋
山儔清令玉碣泣冷切石磬愁君名高難閑余身愚終

金匱要略卷十二
休相將長無因從今生離憂

送韋處士老舅

憶昨癡小年不知有經籍常隨童子遊多向外家劇偷
花入鄰里弄筆書牆壁照水學梳頭應門未穿幘人前
賞文性梨果蒙不惜賦字詠新泉探題得幽石自從出
關輔三十年作客風雨一飄飄親情多阻隔如何二千
里塵土驅衰瘠良久陳辛苦從頭嘆衰白既來今又去
雙笑還成感落日動征車春風卷離席雲臺觀西路華

嶽祠前栢會得過帝鄉重尋舊行跡

邯鄲主人

遠客無主人夜投邯鄲市飛蛾繞殘燭半夜人醉起壚
邊酒家女遺我絢綺被合成雙鳳花宛轉不相離縱令
顏色故勿遣合歡異一念始為難萬金誰足貴門前長
安道去者如流水晨風羣鳥翔徘徊別離此

泛水曲

載酒入烟浦方舟泛綠波子酌我復飲子飲我還歌蓮

深微路通峰曲幽氣多閱芳無留瞬弄桂不停柯水上
秋日鮮西山碧峨峨茲歡良可貴誰復更來過

題壽安南館

明蒙竹間亭天暖幽桂碧雲生四面山水接當堦石濕
樹浴鳥痕破苔卧鹿跡不緣塵駕觸堪作商皓宅

江南新體二首

江上風修修竹間湘水流日夜桂花落行人去悠悠復
見離別處蟲聲陰雨秋

處處江草綠行人發瀟湘瀟湘回雁多日夜思故鄉春
夢不知數空山蘭蕙芳

涼州行

涼州四邊沙皓皓漢家無人開舊道邊頭州縣盡胡兵
將軍別築防秋城萬里征人皆已沒年年旌節發西京
多來中國收婦女一半生男為漢語蕃人舊日不耕犁
相學如今種禾黍驅羊亦著錦為衣為惜毳裘防鬪時
養蠶繅繭成匹帛那將繞帳作旌旗城頭山雞鳴角角

洛陽家家教胡樂

寒食行

寒食家家出古城老人看屋少人行
丘隴年年無舊道車徒散行入衰草
牧童驅牛下塚頭畏有家人來洒掃
遠人無墳水頭祭還引婦姑望鄉拜
三日無火燒紙錢紙錢那得到黃泉
但看隴上無新土此中白骨應無主

促刺詞

促促復刺刺水中無魚山無石
少年雖嫁不將歸白頭

猶著父母衣四邊田宅非所有我身不及逐雞飛出門
若有歸死處猛虎當衢向前去百年不遺踏君門在家
誰喚為新婦豈不見他隣舍娘嫁來長在舅姑傍

隴頭水

隴水何年隴頭別不在山中亦嗚咽征人塞耳馬不行
未到隴頭聞水聲謂是西流入蒲海還聞北去繞龍城
隴東隴西多屈曲野廩飲水長簇簇胡兵夜回水傍住
憶著來時磨劍處向前無井復無泉放馬回看隴頭樹

北邙行

北邙山頭少閒土盡是洛陽人舊墓舊墓人家歸葬多
堆著黃金無買處天涯悠悠葬日促岡坂崎嶇不停轍
高張素幕繞銘旌夜唱挽歌山下宿洛陽城北復城東
魂車祖馬長相逢車轍廣若長安路蒿草多於松柏樹
山頭澗底石漸稀盡向墳前作羊虎誰家石碑文字滅
後人重取書年月朝朝車馬送葬回還起大宅與高臺

溫泉宮行

十月一日天子來青繩御路無塵埃官前內裏湯各別
每箇白玉芙蓉開朝元閣向山上起城繞青山龍煖水
夜開金殿看星河宮女知更月明裏武皇得仙王母去
山雞畫鳴宮中樹溫泉決決出宮流宮使年年修玉樓
禁兵去盡無射獵日西麋鹿登城頭梨園弟子偷曲譜
頭白人間教歌舞

春詞

紅煙滿戶日照梁天絲軟弱蟲飛揚菱花霍霍繞帷光

美人對鏡著衣裳庭中並種相思樹夜夜還樓雙鳳凰

遼東行

遼東萬里遼水曲古戍無城復無屋黃雲蓋地雪作山
不惜黃金貴衣服戰回各自收弓箭正西回面家鄉遠
年年都郡送征人將與遼東作丘坂寧為草木鄉中生
有身不向遼東行

塞上梅

天山路上一株梅年年花發黃雲下昭君已沒漢使回

前後征人唯繫馬
日夜風吹滿隴頭
還隨隴水東西流
此花若近長安路
九衢年少無攀處

戴勝詞

戴勝誰與爾為名
木中作窠牆上鳴
聲聲催我急種穀
人家向田不歸宿
紫冠綵綵褐羽斑
銜得蜻蜓飛過屋
可憐白鷺滿綠池
不如戴勝知天時

鞦韆詞

長長絲繩紫復碧
嫋嫋橫枝高百尺
少年女兒重鞦韆

盤中結帶垂兩邊身輕裙薄易生力雙手向空如鳥翼
下來立定重繫衣復畏斜風高不得旁人送上那足貴
終賭明璫鬪自起回回若與高樹齊頭上寶釵從墮地
眼前爭勝難為休足踏平地看始愁


開池得古釵

美人開池北堂下拾得寶釵金未化鳳皇半在雙股齊
鈿花落處生黃泥當時墮地覓不得暗想窓中還夜啼
可知將來對夫壻鏡前學梳古時髻莫言至死亦不遺

還似前人初得時

賽神曲

男抱琵琶女作舞
主人再拜聽神語
新婦上酒勿辭勤
使爾舅姑無所苦
椒漿湛湛桂座新
一雙長箭繫紅巾
但願牛羊滿家宅
十月報賽南山神
青天無風水復碧
龍馬上鞍牛服靽
紛紛醉舞踏衣裳
把酒路傍勸行客



唐百家詩選卷十二

欽定四庫全書

集部

唐百家詩選卷十三

四

詳校官中書

臣張經田

助教臣常循覆勘

總校官原任中允臣王燕緒

校對官中書臣溫汝适

謄錄監生臣李傳燮

欽定四庫全書

唐百家詩選卷十三

宋 王安石 編

王建下六十八首

田家留客

人客少能留我屋客有新漿馬有粟遠行僮僕應苦饑
新婦厨中炊欲熟不嫌田家破門戶蠶房新泥無風土
行人但飲莫畏貧明府上來可辛苦丁寧回語屋中妻

有客勿令兒夜啼雙塚直西有縣路我教丁男送君去

精衛詞

精衛誰教爾填海海邊石子青磊磊但得海水作枯池
海中魚龍何所為口穿豈為空銜石山中草木無全枝
朝在樹頭暮海裏飛多羽折時墮水高山未盡海未平
願我身死子還生

老婦歎鏡

嫁時明鏡老猶在黃金鏤盡雙鳳背憶昔咸陽初買來

燈前自繡芙蓉帶十年不開一片鐵長向暗中梳白髮
今日後床重照看生死終當此長別

望夫石

望夫處江悠悠化為石不回頭山頭日日風復雨行人
歸來石應語

別鶴曲

主人一去池水絕池鶴散飛不相別青天漫漫碧海重
知向何山風雪中萬里雖知音影在兩心終是死生同

池邊巢破松樹死樹頭年年烏生子

烏栖曲

章華宮人夜上樓君王望月西山頭夜深宮殿門不鎖
白露滿山山葉墮

雉將雛

雉呶呶雛出殼毛斑斑
背啄啄學飛未得一尺高
還逐母行旋母脚
麥壟淺淺難蔽身
遠去戀雛低怕人
時時土中鼓兩翅
引雛拾蟲不相離

白紵歌二首

天河漫漫北斗燦宮中烏啼知夜半
新縫白紵舞衣成
來遲邀得吳王迎
低鬟轉面掩雙袖
玉釵浮動春風生
酒多夜長夜未曉
月明燈光兩相照
後庭歌聲更窈窕
館娃宮中春日暮
荔支木瓜花滿樹
城頭烏栖休擊鼓
青娥彈瑟白紵舞
夜天燿燿不見星
宮中火照西江明
美人醉起無次第
墮釵遺佩滿中庭
此時但願可君意
回畫為宵亦不寐
年年奉君君莫弃

短歌行

人初生日初出上山遲下山疾百年三萬六千朝夜裏
分將強半日有歌有舞須早為昨日健於今日時人家
見生男女好不知男女催人老短歌行無樂聲

飲馬長城窟

長城窟長城窟邊多馬骨古來此地無井泉賴得秦家
築城卒征人飲馬愁不回長城變作望鄉堆蹄蹤未乾
人去近續後馬來泥汙盡枕弓睡著待水生不見陰山

在前陣馬蹄足脫裝馬頭健兒戰死誰封侯

烏夜啼

庭樹烏爾何不向別處栖
夜夜半當戶啼
家人把燭出洞戶
驚栖出羣飛
落樹一飛直欲飛上天
回回不離舊栖處
未明重繞主人屋
欲下空中黑
相觸風飄雨濕亦不移
君家樹頭多好枝

簇蠶辭

蠶欲老箔頭作繭絲皓皓
場寬地高風日多
不向中庭

熬蒿草神蠶急作莫悠揚年老為爾祭神桑但得青天
不下雨上無蒼蠅下無鼠新婦拜簇願繭稠女灑桃漿
男打鼓三日開箔雪團團先將新繭送縣官已聞鄉里
催織作去與誰人身上著

渡遼水

渡遼水此去咸陽五千里來時父母知隔生重著衣裳
如送死亦有白骨歸咸陽營家各與題本鄉生死應無
回渡日佳馬相看遼水傍

空城雀

空城雀何不飛來人家住
空城無人種禾黍土間生子
草間長滿地蓬蒿幸無主
近村雖有高樹枝雨中無食
常苦飢八月小兒挾弓箭
家家畏我田頭飛但能不出
空城裏秋時百草皆有子
黃口莫啾啾長爾得成無橫
死

水運行

江西運船立紅幟萬棹千帆繞
江水去年六月無稻苗

已說水鄉人餓死縣官部船日筭程暴雨惡風亦不停
在生有樂當有苦三年作官一年行壞舟畏鼠復畏漏
恐向太倉折升斗辛勤耕種非毒藥看者不入農夫口
用盡百金不為費但得一金則為利遠徵海稻供邊食
豈如多種邊頭地

當窓織

歎息復歎息園中有棗行人食貧家女大富家織翁母
隔牆不得力水寒手澁絲脆斷續來續去心腸爛草蟲

促促機下啼兩日催成一匹半
輸官上頭有零落姑未得
衣身不著當牕却羨青樓倡
十指不動衣盈箱

失釵怨

貧女銅釵惜於玉失却來尋三日哭
嫁時女伴與作裝頭戴此釵如鳳凰
雙杯行酒六親喜我家新婦宜拜堂
鏡中乍無失髻樣初起猶疑在床上
高樓翠鈿飄舞塵明日從頭一片新

水夫謠

苦哉生長水驛邊官家使我牽驛船
苦日多樂時少水宿沙行如海鳥
逆風上水萬斛重前驛迢迢波淼
半夜緣堤雪和雨受他驅遣還復
去夜寒衣濕披短蓑臆穿足裂忍
痛何到明辛苦無處說齊聲騰踏
牽船歌一間茅屋何所直父母之
鄉去不得我願此水作平田長使
水夫不怨天

田家行

男聲欣欣女顏悅人家不怨言語
別五月雖熱麥風清

簷頭索索縲車鳴野蠶作繭人不取葉間撲撲秋蛾生
麥收上場絹在軸的是輸得官家足不望入口復上身
且免向城賣黃犢田家衣食無厚薄不見縣門身即樂

神樹詞

我家家西老棠樹須晴即晴雨即雨四時八節上盃盤
願神莫離神處所男不著丁女在舍事官上下無言語
老身長健樹婆娑萬歲千年作神主

公無渡河

渡頭惡天兩岸遠波濤塞川如疊坂幸無白刃驅向前
何用將身自弃捐蛟龍齧屍魚食血黃泥直下無青天
男兒縱輕婦人語惜君性命還須取婦人無力挽斷衣
舟沉身死悔難追公無渡河公自為

行見月

月初生居人行見月一年十二月強半馬上看盈缺百
年歡樂能幾何在家見少行見多不緣衣食相驅遣此
身誰願長奔波篋中有帛倉有粟豈向天涯走碌碌家

人見月望我歸正是道上思家時

寄遠曲

美人別來無處所巫山明月湘江雨
千回相見不分明
井底看星夢中語兩心相見尚難知
何況萬里不相疑

春來曲

春欲來每日望春門
早開黃衫白馬有塵土
逢著探春人
却回御堤內園曉過急
九衢大宅家家入
青帝少女染桃花
露裝初出紅猶濕
光風皦皦蝶宛宛
遶樹氣匝

枝柯軟可憐寒食街中郎早起著得單衣裳少年即見
春好處似我白頭無好樹

春去曲

春已去花亦不知春去處緣岡繞磴却歸來百回看著
無花樹就中一夜風來惡收紅拾紫無遺落老大不比
年少兒不中數與春別離

東征行

裴度征淮西事也

桐栢水西賊星落梟雛夜飛林木惡相國刻日波濤清

當朝自請東西征舍人為賓侍郎副曉覺蓬萊欠珮聲
玉階蹈舞謝旌節生死向前山可穴同時賜馬并賜衣
御樓看帶弓刀發馬前猛士三百人金書左右紅旗新
司庖嘗膳皆得對好事將軍封爾身男兒生殺在手裏
營門老將皆憂死幢幢白日當南山不立功名終不還
傷鄰家鸚鵡詞

東家小女不惜錢買得鸚鵡獨自憐自從死却家中女
無人更共鸚鵡語十日不飲一滴漿淚漬綠毛頭似鼠

古關啞咽畜哀怨開籠放飛離人眼短聲亦絕翠臆翻
新墓雀鬼舊巢遠此禽有志女有靈定為連理相並生

傷孔雀詞

可憐孔雀初得時美人見好別開池池邊鳳凰作伴侶
新聲鸚鵡無言語雕籠玉架嫌不栖夜夜思歸向南舞
如今憔悴人見惡萬里更求新孔雀熱眠雨水飢拾蟲
翠尾拖泥金色落多時人養不解飛海山風黑無處歸

荆門行

江邊行人暮悠悠山頭殊未見荊州峴亭西頭路多曲
櫟林深深石鏤鏤看炊紅米煮白魚夜向雞鳴店家宿
南中三月蚊蚋生黃昏不聞人語聲紗帷疎薄如露卧
隔衣嚼膚耳邊鳴欲明不待燈火起喚得官船過蠻水
女兒停客茅屋新開門掃地桐花裏火聲朴朴塞溪烟
人家燒竹種山田巴雲欲雨蒸石熱麋鹿入江蟲出穴
大蛇過處一山腥野牛驚跳雙角折斜分漢水橫湘山
山青水綠荆門間向前問箇長沙路舊時屈原沉溺處

誰家丹旆已南來
逢著流人從北去
月明山鳥多不栖
下枝飛上高枝啼
主人念遠心不斂
羅衫對舞章臺夕
紅燭交橫各自歸
酒醒還是他鄉客
壯年留滯尚思家
沉復白頭在天涯

鏡聽詞

重重摩挲嫁時鏡
夫婿遠行憑聽鏡
鏡回身不遣別人知
人意丁寧鏡神聖
懷中收拾雙錦帶
恐畏街頭見驚怪
嗟嗟察察下堂階
獨自窺前來跪拜
出門不願聞悲哀

身在任郎回不回月明地上人過盡好語多同皆道來
卷惟上床喜不定與郎裁衣失翻正可中三日得相見
重繡鏡囊磨鏡面

行宮詞

上陽宮到蓬萊殿行宮磊磊遙相見向前天子行幸多
馬蹄車轍山山遍當時州縣每年修皆留內人看玉案
禁兵奪得明堂後長閉桃源與綺岫開元歌舞百草頭
原州樂世嫌舊遊官家乏人作宮戶不泥宮牆斫宮樹

兩邊仗屋半崩摧野火入林燒殿柱休封中岳六十年
行宮不見人眼穿

羽林行

長安惡少出名字樓下劫商樓上醉天明下直明光宮
散入五陵松柏中一回殺人身合死赦書上有收城功
九衢一日消息定鄉吏籍中重改姓出來依舊屬羽林
立在殿前翻射禽

射虎行

自去射虎得虎歸官差射虎得虎遲獨行以死當虎命
兩人相疑終不定朝朝暮暮空手回山下綠苗已成徑
遠立不教污箭鏃聞死還來分虎肉惜留猛虎著深山
射殺恐懼終身間

遠將歸

遠將歸勝未別離時在家相見熟新歸歡不足去願車
輪遲回思馬蹄速但今在舍相對貧不向天涯金遶身

尋橦歌

人間百戲皆可學，尋撞不比諸餘樂。
重梳短髻下金鈿，紅帽青巾各一邊。
身輕足捷勝男子，繞竿四面爭先緣。
習多倚附欺竿滑，上下踰躐皆著襪。
翻身搖頭欲落地，却住把腰初似歇。
大竿百夫擎不起，裊裊半在青雲裏。
纖腰女兒不動容，戴行直舞一曲終。
回頭但覺人眼見，矜難恐懼天無風。
險中更險何曾失，山鼠懸頭猿挂膝。
小垂一手當舞盤，斜慘雙蛾看落日。
斯須改變曲解新，貴欲歡他平地人。
散時滿面生顏色，行步休前無氣力。

杜中丞書院新移小竹

此地本無竹，遠從山寺移。
經年求養法，隔日記澆時。
嫩綠卷新葉，殘黃收故枝。
色經寒不動，聲與靜相宜。
愛護出常數，稀稠看自知。
貧家緣未有，客散獨行遲。

原上新居二首

自掃一間房，唯鋪獨卧床。
野羹溪菜滑，山紙水苔香。
陳藥初和蜜，新經未入黃。
近來心力少，休讀養生方。

住處去山近，傍園麋鹿行。
野桑穿井長，荒竹過牆生。
新

識隣里面未諳村舍情石田無力及賤賃與人耕

題所賃宅牡丹

賃宅得花饒初開恐是妖粉光深紫膩肉色退紅嬌且
願風留著唯愁日炙銷可憐零落蕊收取作香燒

送人遊塞

初晴天墮絲晚色上春枝城下路分處邊頭人去時停
車數行日勸酒問回期亦是茫茫客還從此別離

邊上送故人

百戰一身在相逢白髮生何時得家信每日算歸程走
馬登寒壠驅羊入廢城羌歌三兩曲人醉海西營

南中

天南多鳥聲州縣半無城野市依蠻姓山村逐水名瘴
烟沙上起陰火雨中生獨有求珠客年年入海行

汴路水驛

晚泊水邊驛柳塘初起風蛙鳴蒲葉下魚入稻花中去
舍已行遠問程猶向東近來多怨別不與少年同

淮南使回留別賓侍御

戀戀春恨結綿綿
淮草深病身愁至夜
遠道畏逢陰忽
逐酒杯會暫同風景
心從今一分散還是
曉枝禽

汴路即事

千里河烟直青槐夾岸長
天涯同此路人語各殊
芳草
市迎江貨津橋稅海商
迴看故宮柳憔悴不成行

山居

屋在瀑泉西茅房下有溪
閉門留野鹿分食與山雞
桂

熟長收子蘭生不作畦初開洞中路深處轉松梯

醉後憶山中故人

花開草復秋雲水自悠悠因醉暫無事在生難免愁
過晴須看月聞健且登樓暗想山中伴如今盡白頭

送流人

見說長沙去無親亦共愁陰雲鬼門夜寒雨瘴江秋水
國山魍引蠻鄉洞主留漸看歸處遠垂白住炎洲

宮中三臺詞

魚藻池邊射鴨芙蓉苑裏看花日色
柘黃相似不著紅
鸞扇遮

池北池南草綠殿前殿後花紅
天子千年萬歲未央明
月清風

寄賀田侍中東平功成

使回高品滿城傳親見沂公在陣前
百里旗旛衝即斷
兩重衣甲射皆穿探知點檢兵應怯
算得新移柵未堅
營被數驚承勢破將經頻敗遂生全
密招殘寇防人覺

遙斬元兇恐自專
首讓諸軍無敢近
功歸部曲不爭先
開通州縣斜連海
交割山河直到燕
戰馬散驅還逐草
肉牛齊散却耕田
府中獨拜將軍貴
門下兼分宰相權
唐史上頭功第一
春風雙旆好朝天

送裴相公上太原

還攜堂印向并州
將相兼權是武侯
時難獨當天下事
功成却進手中籌
再三陳乞爐烟裏
前後分章玉案頭
朱架早朝排立戟
綠槐殘雨看張油
遙知雁塞從今好

直得漁陽以北愁邊鋪恐巡旗盡換山城欲過館重脩
千羣白刃兵迎節十對紅妝妓打毬聖主分明教暫去
不須高起見京樓

早春五門西望

百官朝下五門西塵起春風過御堤黃帕蓋鞍呈了馬
紅羅纏項鬪回雞官松葉重牆頭出渠柳條長水面齊
唯有教坊南草色古城陰處冷淒淒

上李庶子

紫烟樓閣碧沙亭上界詩仙獨自行
奇險驅回還寂寞
雲山經用始鮮明藕綃紋縷裁來滑
鏡水波濤瀝得清
昏思願因秋露洗幸容階底禮先生

周家溪亭

少年因病離天仗乞得歸家自養身
買斷竹溪無別主
散分泉水與新隣山頭鹿下長驚犬
池面魚行不怕人
鄉使到門常款語還聞世上有功臣

從軍後答山友

愛仙無藥住溪貧脫却山衣事漢臣夜半聽雞梳白髮
天明走馬入紅塵村童近去嫌腥食野鶴高飛避俗人
勞動先生遠相視別來弓箭不離身

唐昌觀玉蕊花

一樹籠鬆玉刻成飄廊點地色輕輕女官夜覓香來處
唯見階前碎月明

眼病寄同官

天寒眼病少心情隔霧看人夜裏行年少往來常不住

牆西凍地馬蹄聲

九日登叢臺

平原池閣在誰家
雙塔叢臺野菊花
零落故宮無入路
西來礪水繞城斜

題酸棗縣蔡中郎碑

蒼苔滿字土埋龜
風雨銷磨絕妙詞
不向圖經中舊見
無人知是蔡邕碑

江陵使至汝州

回看巴路在雲間
寒食離家麥熟還
日暮數峰青似染
商人說是汝州山

霓裳詞

勅賜宮人澡浴回
遙看美女院門開
一山星月霓裳動
好字先從殿裏來

宮中詞五首

雨入珠簾滿殿涼
避風新出石盆湯
內人恐要秋衣著
不住薰籠換好香

金吾除夜進讎名畫袴朱衣四隊行
院院燒燈如白日
沉香火底坐吹笙

蜂鬢蟬翅薄
懸懸浮動搖
頭似有風
一度出時拋
一遍
金條零落滿函中

樹頭樹底覓殘紅
一片西飛一片東
自是桃花貪結子
錯教人恨五更風

金殿當頭紫閣重
仙人掌上玉芙蓉
太平天子朝元日
五色雲車駕六龍

唐百家詩選卷十三

欽定四庫全書

唐百家詩選卷十四

宋 王安石 編

武元衡四首

途次近蜀驛蒙恩賜寶刀并借馬使還奉寄中

書李鄭二相

草草事行役遲遲出故關
碧幢遙隔霧紅旆漸依山
感激恩淚風霜去國顏
捧刀金賜字歸馬玉連環
龍鳳

辭三署干戈護八蠻應憐宣室召溫樹不同攀

早秋西亭宴徐員外

鼎鉉辭台座麾幢領益州曲池連月曉橫笛滿城秋有
美皇華使曾同白社遊今來重相見偏覺豔歌愁

夏夜作

夜久喧暫息池臺惟月明無因駐清景日出事還生

送唐君次

都門去馬嘶灞水春流淺青槐驛路直白日離亭晚望

望烟景微草色行人遠

令狐楚四首

發潭州日寄李寧常侍

君今侍紫垣我已墮青天
委廢從茲日旋歸在幾年
心為西靡樹眼是北流泉
更過長沙去江風滿驛船

郢城秋懷寄江州錢徵侍郎

晚歲俱為郡新秋各異鄉
燕鴻一驚叫郢樹遠青蒼
山露侵衣潤江風捲簾涼
相思如漢水日夜向潯陽

贈符道士

偶逢蒲家郎乃是葛仙客行常乘青竹飢即煮白石腰間嫌大組心內保尺宅我願從之遊深山鑱玉液

鄂州使至竇鞏中丞副使見示與元稹相公獻酬之什余頃任戶部尚書日中丞是當司外郎每有篇章多相唱和因題四韻以寄所懷

仙吏秦城別新詩鄂渚來才推今八斗職副舊三台雕鏤心偏許緘封手自開何年相贈答却得在中臺

劉言史十七首

瀟湘遊

夸女采山蕉，緋紗浸江水。
野花滿髻粧，色新閒歌款。
乃深峽裏，款乃知從何處生。
當時泣舜腸，斷聲翠華寂寞。
嬋娟沒野篠，空餘紅淚情。
青煙冥冥覆杉桂，崖壁凌天
風雨細。昔人幽恨此地遺，
綠芳紅豔含怨姿。清猿未盡
鼯鼠切，淚水流到湘妃祠。
北人莫作瀟湘遊，九疑雲入
蒼梧愁。

放螢怨

放螢去不須留聚時年少今白頭
架中科斗萬餘卷一字千回重照
見青雲杳眇不可親開囊欲放增
餘怨且逍遙還酩酊仲舒漫不窺
園井那將寂寞老病身更求微蟲
借光影欲放時淚沾裳衝籬落千
點光

觀繩伎

潞府李相公席上作

秦陵遺樂何最珍綵繩冉冉天
仙人廣場寒食風日好百夫伐鼓
錦臂新銀畫青綃抹雲髮高處綺
羅香更切

重肩接立三四層著後背行仍應節兩邊九劒漸相迎
側身交步何輕盈閃然欲落却收得萬人肉上寒毛生
危機險勢無不有倒挂纖腰學垂柳下來一一芙蓉姿
粉薄鈿稀態轉奇座中還有沾巾者曾見先皇初教時

買花謠

杜陵村人不田穡入谷經溪復緣壁每至南山草木春
即向侯家取金碧幽豔凝華春景曙採夫移得將何處
蝶惜芳容送下山尋斷孤香始回去豪少居連鵝鵲東

千金使買一株紅院多花少栽未得零落綠蛾纖指中
咸陽貴戚長安里無限將金買花子澆紅濕綠千萬家
青絲玉轡聲啞啞

送婆羅門歸本國

刹利王孫字迦攝竹錐橫寫吒蘿葉遙知漢地未有經
手牽白馬繞天行龜茲磧西胡雪黑大師凍死來不得
地盡年深始到船海裏更行三十國行多耳斷金環落
冉冉悠悠不停脚馬死經留却去時往來應盡一生期

出漢獨行人絕處磧西天漏雨絲絲

春過趙墟

下馬邯鄲陌頭歇寂寥崩隧臨車轍古栢重生枝亦乾
餘漆見風幽焰滅白蒿微微紫槿新行人感此復悲春
王中丞宅夜觀舞胡騰

石國胡兒人見少躑舞蹲前急如鳥織成蕃帽虛頂尖
細氎胡衫雙袖小手中拋下蒲桃醖西顧忽思鄉路遠
跳身轉轂寶帶鳴弄脚繽紛錦鞞軟四坐無言皆瞪目

橫笛琵琶遍頭促亂騰新毯雪朱毛傍拂輕花下紅燭
酒闌舞罷絲管絕木槿花西見殘月

葛巾歌

貝州漳南縣贈楊炯燭

一片白葛巾潛夫自能結籬邊折枯蒿聊用簪華髮有
時醉倒長松側酒醒不見心還憶谷鳥銜將却趁來野
風吹去還尋得十年紫竹溪南住跡同玄豹依深霧草
堂窓底漉春醅山寺門前逢暮雨臨汝袁郎得相見聞
雲引到東陽縣魯性將他類此身還拈野物贈傍人空

留梳杖犢鼻禪濛濛烟雨歸山村

與孟郊洛北野泉上煎茶

粉細越笋牙野煎寒谿濱恐乖靈草性觸事皆手親
敲石取鮮火撇泉避腥鱗熒熒爨風鎔拾得墜巢薪潔色
既爽別浮盃亦殷勤以茲委曲靜求得正味真宛如摘
山時自歆指下春湘瓷泛輕花滌盡昏渴神此遊愜醒
趣可以話高人

初下東周贈孟郊

時依鄭相

鶴老耳更工龜死殼亦靈正性非外汨終始全本情童
子不戲塵積書就富局身著木葉衣養鹿蕪牯耕偶隨
下山雲荏苒失故程漸入機險中危思難太行十髮九
縷絲悠然東周城言詞野麋態出口多累形因依漢元
寮未似羈縻經冷竈助新熱靜砧與寒聲斷蓬在閨闌
豈當桃李榮寄食若蠹蟲侵損利微生固非拙為強懦
劣外療并素堅冰蘖心潔立保賢貞修大返正風刊字
齊古經慙將衰末分高樓喧世名

北原情三首

錯莫天色愁挽歌出重圍誰家白網車送客入幽塵銘
旌下官道葬與去翩翩蕭條黃蒿中奠酒花翠新米雪
晚霏微墓成悄無人烏鳶下空地烟火殘荒榛生人更
多苦入戶事盈身營營日易深却到不得頻寂寥孤隧
頭草綠棠梨春

洛陽城北山古今葬冥客聚骨朽成泥此山土多白近
來送葬人亦去聞歸聲豈能車輪疾漸是墓侵城城中

人不絕哀挽相次行莫非北邙後重向洛陽生

卜地起孤墳全家送葬去歸來却到時不復重知處疊
疊葬相續土乾草已綠裂紙瀉壺漿空向春雲哭

林中獨醒

晚來林沼靜獨坐閒瓢樽向已非前跡齊心欲不言微
涼生亂篠輕馥起孤萱未得渾無事瓜田草正繁

江陵客舍留別樊尚書

信陵門館下多病有歸思墜履忘情後寒灰更濕時委

欄芳蕙晚憑几雪髻垂明日秋闌外單車風雨隨

過春秋峽

峭壁蒼蒼苔色新無風晴景自勝春不知何樹幽崖裏
朧月開花似北人

竹裏梅

竹與梅花相並枝梅花正發竹枝垂風吹總向竹枝上
直似王家雪下時

張碧二首

題祖山人池上怪石

寒姿數片竒突兀曾作秋江秋水骨先生應是壓風雷
著向池邊塞龍窟我來池上傾酒罇半酣書破青烟痕
參差翠縷擺不落筆頭驚怪粘秋雲我聞吳中項容水
墨有高價邀得將來倚松下鋪却雙綰直道難掉首空
歸不成畫

野田行

風昏晝色飛斜雨冤骨千堆觸腰語八紘牢落人物稀

盡是田園荒廢主悲嗟自古爭天子幾度乾坤復如此
秦皇矻矻築長城漢主區區白蛇死野田之骨兮又成
塵樓閣風烟兮還復新願作華山之下長歸馬野田無
復堆冤者

李涉三十七首

勃之兄也大和中為太學博士

濉陽行

黃昏日暮驅羸馬夜宿濉陽烽火下此地新經殺戮來
墟落無烟空碎瓦層冰塞斷隋朝水一道銀河貫千里

愁心翻覆夢難成
病僕呻吟呼不起
泗水三千招義軍
本自征戰邀殊勲
十年麾下畜壯氣
一朝此地為愁雲
昨日太陽回照燭
轉見天心重含育
早晚東風的發生
古堤春草年年綠

六歎

并序

五噫四愁九歌七啟皆創文者立意之終紀其數而名之也清江白雲孤山遠嶼皆得時之人吟詠性情耳余無暇於是焉窮居歲陰偶懷無怵因追感聞見成文六

篇目曰六歎懼質文之不備復何全於此興乎錄之私
齋以示同道格韻枯缺多慚見知

綺幕香風翡翠車清明獨傍芙蓉渠上有雲鬟洞仙女
垂羅掩穀烟中語風月頻驚桃李時滄波久別鴛鴻侶
欲傳一札孤飛翼山長水遠無消息却鎖重關一院深
半夜空庭明月色

蓬萊島邊採珠客西望人寰星漢隔千重疊浪聳雲高
萬里平沙連月白海中洞穴尋難極水底鮫人半相識

玄蚌初開影暫明
驪龍欲近威難逼
辛苦風濤白首期
得珠却恨求珠時
隋侯歿世幾千載
只今薄俗空嗤嗤
燕王愛賢築金臺
四方豪俊承風來
秦皇燒書殺儒客
肘腋之中千里隔
去年八月幽并道
昭王陵邊哭秋草
今年二月遊函關
秦家城外悲河山
河上山邊車馬路
殘日青烟五陵樹

關東病儒客
梁城五歲十回逢
亂兵燒人之家
食人肉
狼虎戢心都未足
城裏愁雲晝不開
城頭野草春還綠

五十餘年忠烈臣臨危守節羞謀身堂上英髦沉白刃
門前興隸乘朱輪千古傷心汴河水陰天落日悲風起
漢臣一没丁零塞牧羊西過陰沙外朝憑南雁信難回
夜望北辰心獨在漢家茅土橫九州高門長戟分王侯
但將鍾鼓悅私愛肯以犬戎為國羞夜宿寒雲卧冰雪
嚴風獨刃縣旌節丁年奉使白頭歸泣盡李陵衣上血
深院梧桐夾金井上有轆轤青絲索美人清晝汲寒泉
寒泉欲上銀餅落迢迢碧甃千餘尺竟日倚欄空歎息

惆悵不來照明鏡却掩洞房花寂寂

題清溪鬼谷先生舊居

翠壁開天池青崖列雲樹水容不可狀杳若秋河霧常
聞先生教指示秦儀路二子材不同逞詞過尺度偶因
從吏役遠到冥棲處松月想舊山烟霞了如故未遑鍊
金鼎日覺容光暮萬慮隨境生何由返真素寂寞天籟
息清迥鳥聲曙回首望重重無期挹風馭

閒中記事想吳楚舊遊寄河陽從事楊潛

憶昨天台尋石梁赤城枕下看扶桑金烏欲上海如血
翠色一點蓬萊光安期先生不可見蓬萊目極滄海長
回舟偶得風水便烟帆數夕歸瀟湘瀟湘水清崑崙曲
夜宿朝遊常不足一自無名身事閒五湖雲月偏相屬
進者恐不營退者恐不深魚遊鳥逝兩雖異彼此各有
遂生心身解耕耘妄能織歲晏饑寒免相逼稚子年才
七歲餘漁樵一半分渠力吾友從軍在河上臂佩吳鉤
佐飛將偶與嵩山道士期西尋汴水來相訪見君顏色

猶憔悴知君未展心中事落日驅車出孟津高歌共歎
傷心地洛邑秦城小年別兩都陳事空聞說漢家天子
不東遊古木行宮蔽烟月洛濱老翁年八十西望殘陽
臨水泣自言生長開元中武皇恩化親霑及當時天下
無甲兵雖聞賦歛毫毛輕紅車翠蓋滿衢路洛中歡笑
爭逢迎一從戎馬來幽薊函谷虎狼無捍制九重宮殿
閉豺狼萬國生人自相噬蹭蹬瘡痍今不平干戈南北
常縱橫中原膏血焦欲盡四郊貪將猶憑陵秦中豪寵

爭出羣巧將言智
寬明君南山四皓不敢語
渭上釣人何足云
君不見昔時槐柳八百里
路傍五月清陰起
只今零落幾株殘
枯根半死黃河水

醉中贈崔膺

與君兄弟匡嶺故
與君相逢揚子渡
白浪南分吳塞雲
綠楊西入隋宮路
隋家文物今雖改
舞館歌臺基尚在
煬帝陵邊草木深
汴河流水空歸海
今古悠悠人自別
此地繁華終未歇
大道青樓夾翠烟
瓊墀繡帳開明月

與君一言兩相許外捨形骸中爾汝揚州歌酒不可追
洛神映箔湘妃語白馬黃金為身置誰能獨羨他人醉
暫到香爐一夕間能展愁眉百年事君看白日光如箭
一度別來顏色變早謀侯印佩晉間莫遣看花鬢如霰

岳陽別張祜秀才

十年蹭蹬為逐臣鬢毛白盡巴江春鹿鳴猿嘯雖寂寞
水蛟山魅多精神山瘴困中聞有赦死灰不望光陰借
半夜州符喚牧童虛教衰病生驚怕巫峽洞庭千里餘

蠻貊水國何親疎由來真宰不宰我徒勞歎者懷吹噓
霸橋昔與張生別萬變桑田何處說龍蛇縱在沒泥塗
長衢却為駑駘設愛君氣堅風骨峭文章真把江淹笑
洛下諸生懼刺先烏鳶不得齊鷹鷂岳陽西南湖上寺
水閣松房遍文字新釘張生一首詩自餘吟著皆無味
策馬前途須努力莫學龍鍾虛歎息

却歸巴陵途中走筆寄唐知言

去年臘月來夏口黑風白浪打頭吼櫓聲軋軋搖不前

看他撩亂張帆走逾月始到鸚鵡洲
嗚嗚暮角喧城頭
逡巡未得見官長夢寢但覺生愁
憂中軍賢倅李監察
人馬曉來兼手札教令參謁禮數
全頭頭要處相稱掣
唐氏一門今五龍聲華殷殷皆如
鍾就中十一最年少
別有俊氣橫心胸巧綴五言才刮
骨却怕柱天身硤砢
後輩無勞續出頭坳塘不合窺溟
渤君家三兄舊山侶
方寸久來常許與不覺淹留兩月
餘風光漫爛生洲渚
宇文文學儒家子竹遶書齋花映
水醉舞狂歌此地多

有時酩酊扶還起，猥蒙方伯憐。飢貧假名許，得陪諸賓。
酒家債負有填日，恣意頗敢排青緡。余瞿二家同愛客，
園蔬任遣奴人摘。野狐泉頭銀葉方，一別十年今再覲。
更有風流歛奴子，能將盤帕來欺爾。白馬青袍豁眼明，
許他真是查郎髓。良會芳時難再來，隙光電影長相催。
扁舟惆悵人南去，目斷江天凡幾回。

春山三竭來

釣魚竭來春日暖，沿溪不厭舟行緩。野竹初栽碧玉長，

澄潭欲下青絲短昔人避世兼避仇暮栖雲外朝悠悠
我今無事亦如此赤鯉忽到長竿頭泛泛隨波凡幾里
碧莎如烟沙似砥瘦壁橫空怪石危山花鬪日禽爭水
有時帶月歸扣舷身閒自是漁家仙

山上竭來採新茗新花亂發前山頂瓊英動搖鍾乳碧
叢叢高下隨崖嶺未必蓬萊有仙藥能向鼎中雲漠漠
越甌遙見裂鼻香欲覺身輕騎白鶴

採藥竭來藥苗盛藥生只傍行人徑世人重耳不重目

指似樂苗心不足野客住山三十載妻兒共寄浮雲外
小男學語便分別已辨君臣知配匹都市廣場開大鋪
疾來求者多相悞見說韓康舊姓名識之不識先相怒

山中五無奈何

無奈落葉何紛紛滿衰草疾來無氣力擁戶不能掃欲
訪雲外人都迷上山道

無奈澗水何喧喧夜鳴石疎林透斜月散亂金光滴欲
訪澗底人路窮潭水碧

無奈牧童何放牛喫我竹隔林呼不應
呌笑如生鹿欲報田舍翁更深不歸屋

無奈阿鼎何嬌啼索梨栗柴門正風雨
千向千回出欲識老病心賴渠將過日

無奈梅花何滿崑光似雪春風總未至
獨自驚時節欲見惆悵心又看花上月

牧童詞

朝牧牛牧牛下江曲夜牧牛牧牛村口
谷荷蓑出林春

雨細蘆管卧吹沙草綠亂插蓬蒿箭滿腰不怕猛虎欺
黃犢

題鶴林寺僧室

終日昏昏醉夢間忽聞春盡強登山因過竹院逢僧話
又得浮生半日閒

春晚遊鶴林寺寄使府諸公

野寺尋春花已遲背嵒唯有兩三枝平明携酒猶堪醉
為報春風且莫吹

題開聖寺

宿雨初收草木濃
羣鷗飛散下堂鍾
長廊無事僧歸院
盡日門前獨看松

再葺夸陵幽居

負郭依山一徑深
萬竿如束翠沉沉
從來愛物多成癖
辛苦移家為竹林

過襄陽寄上于司空相公

方城漢水舊城池
陵谷依然世自移
歇馬獨來尋故事

逢人唯說峴山碑

送魏簡能東遊二首

獻賦論兵命未通
却乘羸馬出關東
灞陵原上重回首
十載長安似夢中

燕市悲歌又送君
目隨征鴈過寒雲
孤亭宿處時看劍
莫使塵埃蔽斗文

陝中遇赦寄秦洛舊知

天網初開釋楚囚
殘骸已廢自知休
荷蓑不是人間事

歸去滄江有釣舟

題連雲堡

由來天地有關扃
斷壑連山接杳冥
一出縱知邊上事
滿朝誰信語堪聽

從秦城回再題武關

遠別秦城萬里遊
亂山高下出商州
關門不鎖寒溪水
一夜潺湲送客愁

題宇秀才櫻桃

風光莫占少年家
白髮殷勤最戀花
今日顛狂君莫笑
趁愁得醉眼麻嗒

題月水臺

平流白日無人愛
橋上閒行若箇知
水似晴天天似水
兩重星點碧琉璃

黃葵花

此花莫遣俗人看
新染鵝黃色未乾
好逐秋風天上去
紫陽宮女要頭冠


別南溪二首

如雲不厭蒼梧遠似雁逢春又北飛
唯有隱山溪上月
年年相望兩依依

常歎春泉去不回我今此去更難來
欲知別後留情處
手種巖花次第開

井欄砂宿遇夜客

暮雨蕭蕭江上村綠林豪客夜知聞
他時不用逃名姓
世上如今半是君



唐百家詩選卷十四